





1. Olearij, Gottfr. / diff. de morte et vita
fidelium cum Christo, Lipsiæ 1710.
2. Olearij, Joh. / diff. de correptione
concionatoria, Lipsiæ 1689.
3. ——— / diff. de lacrimis Christi sub
ingressum Hierosolymorum fufis,
Lipsiæ 1683.
4. ——— / diff. de resurrectione spiritua,
Lipsiæ 1698.
5. Oporini, Joach. / programma de demon-
stratione spiritus ac virtutis,
Göttingæ 1738.
6. ——— / diff. de usu doct. simplicis,
fatis contra scepticos, Göttingæ 1739.
7. Ortlob, Joh. Christoph. / diff. de samue,
a judice et propheta non pontifice,
aut sacerdote sacrificante, Lipsiæ
1719.
8. ——— / diff. de pacto Davidis et Abneri
contra Jebusetum, illicito, Lipsiæ 1709.

n. 25 24.

נשיקות דודי ושנא

AMORIS ET ODI OSCULA

Cant. I, 2. VI, 3. Prov. XXVII, 6.

DISSERTATIONE

DE

OSCULO SANCTO

Rom. XVI, 17.

EIQUE OPPOSITO

OSCULO JUDÆ

Luc. XXII, 48.

Eorumque MYSTERIIS, juxta Sacras S. illustrata

Christo Domino, Amoris, Gratia et Ira æterna

Prov. VIII, 21. XXI, 20. Matth. V, 19. Deut. XXXII, 34.

Jer. L, 25. Rom. II, 5. 16.

ARCHITHESAURARIO Propitio

Quam sub PRÆSIDIO

PAULI GYÖNGYÖSSL. A PETTYEN,

illust. Eccl. Angl. Presbyteri S. S. Th. D. et Pr. P. O.

h. t. Venerab. Fac. Theol. Decani,

DEFENDENS

WILHELM. GUSTAV. NUGLISCH,

Paleo-Marchicus, S. S. Th. C.

In Monumentum Pietatis. Ps. XII, 6. 9. Prov. X, 7.

Stipendii Werlieniani

In Templo Academ. die XI. Septemb.

Anni MDCCXXXVIII. Hora X-XI. publicavit.

RECUSA M D C C X L I.

(4)

MUNDI TITULUS
AMORIS ET OPTI
OSCULO SANCTO
OSCULO JUDAE
ARCHIEPISCOPUS
PAULI GYNGELI
WILHELMUS
MCCXXII



V I R O
EXCELLENTISSIMO
AC
GENEROSISSIMO,
D O M I N O,
DN. OTTONI
DE STOSCH,
SACRÆ REGIÆ MAJESTATIS
BORUSSICÆ
RERUM FEUDALIUM
ARCHIVARIO.

DOMINO
HENRICO AUGUSTO
STEINBERG,

AUGUSTISSIMO BORUSSORUM REGI
A CONCIONIBUS SACRIS,
SENATUS ECCLESIASTICI MEMBRO
MERITISSIMO,

MÆCENATIBUS SUMMIS,
FAUTORIBUS AC PATRONIS
MAXIMOPERE COLENDIS,

EXERCITIUM HOÏCE ACADEMICUM
IN TESSERAM DEBITÆ OBSERVANTIÆ

DAT, DICAT, DEDICAT

RESPONDENS,

WILHELMUS GUSTAVUS NUGLISCH,
PALÆO-MARCHICUS.



I. N. D. N. J. C.

§. I.



Primitiva Ecclesia. Ch. Act. IV, 32. de hac meliori nota commendatur, *quod eorum, qui crediderant, erat cor & anima una*, quorum tanta fuit *συνδεδεσμος*: Eph. IV, 16. Col. II, 18. ut *multa* licet essent *obedientium corpora*, unus tamen *spiritus* regeret omnes, unde *una vox* omnium 2. Sam. V, 1-19. XI, 12. 1. Reg. I, 39. Unus vero spiritus dicitur, non *naturalis* per *transmigrationem Pythagoricam*, sed *supernaturalis & gratia*. Num. XI, 17. 25. Heb. X, 29. ut plura membra eaque diversissima, *humani corporis systematis*, ab una reguntur *anima*, ita hæc corporis mystici Christi. D. 1. Cor. XII, 11. 12. 27. *uno spiritu* moverentur, quo collineatur. Num. XIV, 24. quo *Calebo* tribuitur *spiritus* alius diversus a reliquorum X. *exploratorum* spiritu. Nempe, sicut *consanguinitas σοφρων* quandam ingenerat, ut *secreto instinctu* moveantur,

A

tur,



tur, dum *cognatorum* res agitur Gen. XLII, 24. XLV, 1. 2. 14. 15. 1. Sam. XI, 4. Sic etiam *fideles* ex *συμβίβαζι* ejusdem *Spiritus*. Act. XX, 37. 38. commoveantur ad mutuam *sympatbiam*. Act. XII, 5. 12. Speculum hujus *communio*nis cernitur in *Aquila & Priscilla*, erga *Apollonem*. Act. XVIII, 24. 25. & in Apostolo P. erga *Ecclesias Judæorum & gentium*, etiam facie sibi ignotarum, & quidem eo *argumento*, quod essent *fratres* in Christo. Act. XIX, 23. quibus *unus Pater* Deus, cujus voluntate geniti. Jac. I, 18. Joh. I, 13. Esa. LXVI, 9. & *unus Frater Primogenitus* I. C. Romi. VIII, 29. & *hereditas* una. v. 17. Col. I, 12. Act. XXVI, 18.

§. II.

Quia vero sunt *fratres*, ideo Ap. totis sollicitè inculcat *Philadelphiam*. Heb. XIII, 1. Rom. XII, 10. 1. Pet. I, 12. monet ut *Pietati* addatur *Philadelpbia* 2. Pet. I, 7. *qua ingressus in regnum Dei securitas fiat*. Josephus ad fratres, dum *Benjaminem* supra cæteros donasset, monet: *ne rixamini in via*, ex invidia doni. Gen. XL, 24. & Moses exclamat: *quid rixamini, viri fratres estis*. Exod. II, 13. ita etiam cum in *via* ad Deum Patrem sunt Christiani fratres Joh. XX, 17. etsi videant, quod in *unum* a Principe Christo Fratre, qui rectè cognoscit *ordinem* *nativitatis* familiæ suæ, tamen in *minimum* omnium 1. Cor. XV, 8. 9. 10. liberalius quædam *dona* collata. Joh. XXI, 21. 22. Matth. XXI, 14. 25. XI, 12. 1. Cor. XII, 24. non debent reliqui illum *sugillare* ex invidia *charismatum* acceptorum, potius congaudere debent. Gen. XXXVII, 4. 2. Pet.



2. Pet. III, 15. 16. *Philadelphia*. Philem. XVI. & Psal. CXXXIII. maxime commendatur a *pulchritudine*, & *benedictione* divina eam consequente: inde omnes fratres Ch. vocantur *Sancti*, Rom. XVI, 14. 15. quia *fraternitas* *ista* nititur *sanctitate*, & vicissim. Hebr. III, 1. Col. I, 2. Eph. I, 4. 5. 1. Pet. I, 14. XVI, 4. 5. ut quousque *Sanctitas* in aliquo extenditur eousque & *fraternitas*. 1. Cor. V, 11. 12. nam cum quo *convictus* interdicitur, isti *abe* *fraternum* *Symbolum* dicere non tenemur. 2. Joh. X, 11.

§. III.

Talis *Philadelphie tessera* mandat Ap. quam vocat *Osculum Sanctum*. 1. Cor. XVI, 20. 2. Cor. XIII, 12. 1. Thef. V, 26. *Osc. amoris*. 1. Pet. I, 22. V, 14. & *Symbolum Sanctorum*. Rom. XVI, 16. Salutate alii alios in *Φιληνατι*, *in osculo*. NB. non dicit, *osculo*; sed in *Osc. S.* ut *emphasin*, *mysterii Osc. S.* & *intimam amoris ejus medullam* intimaret, exinde subnectit: *Salutant vos Ecclesia Christi*, quod Patres Veteris Eccl. vocabant *osculum missile Philadelphiae S.* per quod hanc *Salutationem Ecclesiarum* multarum ex *delegato*, fideles mutuo debeant prestare. 1. Cor. XVI, 20. 2. Cor. XIII, 12. 1. Pet. V, 13. quo singulos *mandatarios Christi*. D. in hoc officio per Epistolam contestaretur. 1. Thef. V, 26. 27. Cæterum *modus ipse salutandi per osculum familiaris* olim fuit in Eccl. *Primitiva*, non, quod ortum ducat ab hoc *mandato* Ap. sed *originem* derivat a consuetudine *Populorum Orient.* speciatim *Hebræorum*; apud quos fuit *I. osculum cognatorum*



proprium, ut dum *Jacob* *Rachelem* obviam, *Laban* *Jacobum*, & *Esau*. Gen. XXIX, 11. 12. XXXI, 55. LIII, 4. *Joseph*. fratres suos. Gen. XLV, 15. *Osculum* fuit II. mutui amoris signum. Ruth. I, 14. Act. XX, 37. fuit III. Nota honoris & reverentia. 2. Sam. XX, 9. exinde etiam Symbolum Cultus Divini. Ps. II, 12. osculemini Filium. Job. XXXI, 27. Luc. VII, 45. hinc osculati *Baallem* idololatram. 1. Reg. XIX 18. & vitulos *Jerob*. Hof. XIII, 2. hinc verbum adorare venit ab oris osculo. *Plinius* inter adorandum dextram ad osculum referimus. *Minutius* F. in Oc. *Cacilius* simulacro *Serapidis* viso manum ori admovens, labiis osculum impressit, unde oscula labrata, quo *Purpurati* adorati & *Φιλητα βασιλευν*. *Tertull.* *Celestia* adoranda ad solis ortum labia vibrare, quam phrasin *Rabface* usurpat. 2. Reg. XVIII, 20. verba Labiorum preces *Ezechæ* sugillans. IV. fuit nota obedientie, erga Ministros *Aule Regum* *Gemerath*. Gen. XLI, 40. Os tuum osculabitur, omnis populus, dum homagium præstat. 1. Sam. X, 1. & rescripta regum mandata osculatur. Psal. II, 12. ut LXX. vers. V. Osculum fuit tessera desponsationis ad conjugium foederale. Cant. I, 2. uti de *Adamo* I. si traditionibus *Rabb.* locus sit in hac Doctrina, ex relationibus *B. Amadei*, Da, ait, *Adam* *Eve*, huc dextra dextram tuam & Osculum s. labiis meis, cresamus & multiplicemus populum Dei cultorem Gen. XXIV, 67. VI. signum fuit aggratiationis Regum & condonationis peccati. 2. Sam. XIV, 33. Luc XV, 20. Gen. XLV, 15. XXXI, 55. XXXIII, 4. Prov. XXVII, 6. VII. Symbolum fuit Osc. inaugurationis Candidati ad ministerium Dei, Exod. IV, 24.

osculo



osculo *Moses Aaronem* inaugurat ad collegatum suum: ita *Samuel*, Saulem ad munus regium. 1. Sam. X, 1. Sic *Isaac* Jacobum ad *Sacerdotium*, post mortem suam succedentem jure *primogenitura* nunc in *Jacobum* derivato. Nam *pallium* illud Gen. XXVII, 15. XXVI, 27. pretiosum, quod *Esavo* præparatum erat, ut carnali primogenito, fuit *Sacerdotiale*, quod per providentiam *Rebecca*, ex oraculo. Gen. XXV, 22. nunc *Jacobi investitura* cessit, qua indutum nunc Pater, *tessera osculi sacramentalis*, *Jacobum* sibi in *sacerdotium* succenturiatum inaugurat, profanum *Esavum* exaugurando. Heb. XII, 16. 17. Sic 1. Reg. XIX, 20. 2. Reg. II, 9. *mensura osculi* oris *Eliæ* duplicata, signum erat *successionis Elisæ*, in officium *Dignitatis Patris Filii Prophetarum* v. 15.

§. IV.

Huc referunt Rabb. textum Deut. XXXIV, 5. *Mosi* osculum a Deo impressum, in amplexu Dei ad *Cœlestis Sacrarii ministerium* inauguratum Heb. IX, 23. 24. cujus typus ipsi declaratum. Exod. XXV, 40. Act. VII, 44. Heb. VIII, 5. *præsto*, mortuus est *Moses* משה פרוי juxta osculum ex *præstite Jehovæ*, intimatum, ad quæ ita Rabb. non prius vocatus est *Servus Jehovæ*, in tota omni domo, & in terra & in cœlo fidelis. Num. XII, 7. priusquam *vita discessisset*; hoc titulo *status excellentia* designatur, *servus* enim secretiora *Heri conclavia* assidue ingreditur, eique ad nutum *præsto* est. Liquido dixerunt: *maiores sunt justi in morte, quam in vita anima, ejus*



ascendit ad ministrandum, excelsio. Bechai. Abrab. in M. quæ si cum iis, quæ Num. XII, 8. & Matth. XVII, 3. notantur, & *visi sunt Moses & Elias cum Christo D. colloquentes*, conferantur, probabilia sunt, unde Maimonides dicit: *Mosen non esse mortuum sed ascendisse, & Deo in cælis ministrasse.* Joh. XVII, 24.

§. V.

Osculum VIII. erat tessera *appreciationis beatæ analyseos.* Phil. I, 23. Ethnici amicos quibus anima in primis quasi labris versabatur in agonizantibus, eos tum deosculabantur; Unde illud *Senecæ ad Helviam.* c. 3. *Filium tuum in osculis tuis mortuum funeraveras.* & *Ausonii in Parent.* Carm. XXIII. *illa manus inter genetricis & oscula Patris occidit*, quod vocabant, *Spiritum excipere* Act. VII, 59. ita rogo imponendos *osculabantur.* Tibull. L. I. *flebis & arsuro positum me Delia leclo, tristibus & lacrymis oscula mixta dabis.* 2. Chron. XVI, 14. & tali *osculi emortuali* addebant preces. Tibull. L. 2. & in *epitaphiis sepulchralibus Judæorum* legitur *Parisis, Tu titulus es sepulchri Salomonis, filii Haim, qui discessit in Paradisum deosculatus a Patre* Gen. XLVIII, 10. porro IX. Osculum nota *Tesseræ Communionis Sanctorum* fuit; atque ita Act. XXI, 19. *Salutabant se invicem Christiani O. S.* & nota erat *non communicationis cum impiis.* 2. Joh. 9. 2. Chr. XIX, 2. 2. Reg. III, 13. 14. X, 15.

§. VI.



§. VI.

Atqui hujusmodi *oscula*, Apostolo dicuntur *Sancta*, quoniam dantur etiam *Oscula Diabolica, impia, illicita, idololatræ*, qualia *Baalis* olim, & nunc imaginum crucis & reliquiarum (ut mentiuntur) Sanctorum; sunt *lascivia, meretricia*. Prov. VII, 13. *adulatoria & venesica* ut Absolomi, qui *osculando furabatur corda populi*. 2. Sam. XV, 5. *oscula inimici*. Prov. XXVII, 6. *proditoria*, ut *Joabi* 2. Sam. III, 27. XX, 9. 10. *Jude* Luc. XXII, 48. *Juda an osculo prodit Filium Hominis*: emphatica hæc sunt verba Salvatoris, atque scelus immane declarantia, quod *osculum* Judæ proditoris, omnibus contrarium esset supra enumeratis novem *osculi Sancti mysteriis*. A. *Juda* nomine compellat, ut *Patronymicum* virium ipsi exprobrat illud. Gen. XLIX, 8. 9. *antonomastice*. q. d. *Juda celebrabunt te fratres tui, dum manus tuas impones cervici inimicorum tuorum*: Amice cur autem ades tu *Matth.* XXVI, 50. *an complectens me, manus tuas cervici imprimis ut hosti inimico sub velo osculi*: Tu me *Judam Leonem de tribu Juda*. Apoc. V, ut hostem tractas, Me quem *Schilonem* *Juda* expectavit. Tu me prodit. B. ait deinde, me *Filium hominis*. Luc. XXII, 48. quem Patres tui desiderarunt anxie videre. Esa. LXIV, 1. Ps. XIV, 1. LXXX, 1. 2. Luc. X, 23. Joh. VIII, 56. Tu *furcifer* ipsum exterminandum venisti, me *Filium hominis, semen illud mulieris*. Gen. III, 15. quem venturum Israel desiderabat. *Matth.* II, 3. ut *conteram caput serpentis en tu me osculando mordes calcaneum meum*,



meum, Pf. XLIX, 6. XXXVIII, 17. Tu *etraps. Sodalis con-*
victor, meus *Discipulus Juda*. Pf. XLI, 10. Act. I, 16. 17.
 Tune *Subplantator*, *proditor meus* factus es, ut *pretio*
 sanguinis mei innocentis, *possessiois* acquirere studes.
 Act. I, 18. 1. Reg. XXI, 9. 10. 2. Reg. V, 26. nepos *Gebazi*,
 quas etiam si haberes, pro & propter me deserere de-
 buisses. Matth. XIX, 27. 29. Heb. X, 34. C. Tu tuum oscu-
 lum, *tesseram pacis & amoris*, convertisne in *tesseram*
hostilitatis, & *inimicitia*. Pf. CXX, 6. 7. contra doctri-
 nam quam tu ex me dicisti. Rom. XVI, 17. Matth. XI, 29.
 Tu D. circumforanee, *κολαξ* venisti ut sub *asservationis*
 & *adulationis* osculi *umbra*, irrideres me *Regem Sionis*.
 Zach. IX, 9. Matth. XXI, 4. ut & *Herodes* Christo D. Luc.
 XXIII, 11. & *illi*. Matth. XXVII, 28. 29. illudebant, quasi
 osculo tuo, me tuum *Dominum Magistrum*, supra omnes
 aestimares, & *adorares*, nempe a fidelibus osculum da-
 tum Christo. D. signum erat *reverentia & digna estima-*
tionis Luc. VII, 45. sed in *Juda* fuit nota *vilipendii &*
contemptus, res enim solent homines eas vendere, quae
 sibi non necessaria, adeoque *vilia* ducunt, gestiuntque
 ab illis, per venditionem quasi ab *onere* aliquo molesto
 liberati. Matth. XXVI, 8. XV, 25. XXVII, 5.

§. VII.

E. Salutantes osculo alios se *devovebant*, pro fra-
 tribus talibus ut membris eccl. velle suos *labores &*
omnia bona impendere. Act. II, 42. 44. 45. imo & *vitam*
 ponere pro fratre periclitante, quo collineat Ap. dum
 osculo.



osculo. S. jubet *salutare Priscillam & Aquilam*. Rom. XVI, 3. 4. eo, quod pro Paulo *animam suam* posuere, itaque *Judas* suo osculo prætendebat id facturum pro Christo, quod *Petrus* præferebat. Luc. XXII, 33. atque venisse nunc ad Christum suum Magistrum, ut eum defendat a *Romanis* Christum rapere venientibus. F. osculum in bonis viris fuit *signum benedictionis* suæ erga alios a se osculatos, ast *Jude* Osc. fuit nota *imprecationis* contra Herum. Job. XXXI, 13. Matth. XXVI, 47. 48. Pf. XXXV, 7. 8. XLI, 6. 8. 9. CIX, 17. 18. Judas quasi *proditor*, mox per *proditionem* ejus, *cruci* quasi *rogo* tradendum (ut supra §. V. ad VIII. osculum diximus) osculatus ac si *Spiritum Christi & animam* absorpturus. Pf. LXIX, 16. 1. Pet. V, 8. G. osculum fuit *fideliæ signum reconciliationis & condonationis peccati proximi*; sed *Jude* Osc. fuit nota *aggravationis & comprobationis* reatus peccati Judæ & Judæorum Christum crucifigentium. Luc. XIX, 22. 27. Pf. XLI, 11. 12. Matth. XXIII, 35. 38. Joh. IX, 41. VIII, 24. D. Porro Osc. aliorum fuit *signum consecrationis* ad Ministerium Dei, sed *Jude*, etsi ex *directione Dei*. Act. IV, 28. factum sit *signum inaugurationis Christi*. D. ad *munus Sacerdotii* jam jam instantis. Matth. XXVI, 14. 15. Zac. XI, 12. 13. Marc. XIII, 4. 5. 9. Luc. XXII, 20. 22. Joh. XIII, 27. XI, 30. 32. sed tamen ex *scopo* Judæ, fuit osculi ejus intentio, ut *degradaretur* Christus D. ab isto *munere* S. Pf. XXII, 7. 13. 14. 17. 18. 22. XXXV, 11. 12. 15. XLI, 6. 9. 13. quod Judæorum Pontifices diserte fassi sunt. Matth. XXVII, 63. 64.

B

§. VIII.



§ VIII.

Nempe, osculum fuit *idololatria* mentis *subtilioris* signum, ut *Verulamius* vocat idola mentis, cum quis *aurum, argentum* adorat. Job. XXXI. 24. 25. Pf. LII, 9. LXII, 11. *divitius ne apponite cor. si multiplicentur*, ut ille. Luc. XII, 20. Euripides ita introducit auri adoratorem, *sine me ait vocari pessimum, ut dives vocer*, qualibet regina pecunia donat. Hanc *adulationem* sibi *Potentiorum* in *divitiis & idololatriam* mentis vide notatum. Job. XXXI, 27. 28. unde *profopolepsia* vitium, & *divitum* erga alios, & *alivum* erga divites, porro *Osculum* fuit signum se *conjungere* applicare arte alicui, unde *arma* vocantur פוש Es. XXII, 4. eo, quod applicantur *corpori*, sive illius qui illis *induitur*. 1. Sam. XVII, 39. Jud. III, 16. sive ejus qui armis *feritur*, sic Luc. XV, 20. applicavit (quo sensu utroque, per *antiphrasin*, oscula, arma) osculo se Christo D. conjungenti Judæ, evenit Pf. LXIX, 24. 25. CIX, 18. 19. Act. I, 18. hinc Patres Primitivi, *proverbium* de hæreticis Pseudo Apostolis & fratribus usurpabant: *Osculum gerit Judæ*, quo significabant, Osculo Judæ ad Christum, gravissima *seclera* animum Judæ Pr. occupasse, & quasi *legiones Diabolorum* aliquot in se habere prodidisse, hunc *Gergesum*. Marc. V, 9. uti Christus D. monuit, dum *Judam* expresse *Satanam* vocavit Luc. XXII, 3. Joh. XIII, 2. 27. nam posuit *contrarium* suum osculum omnibus illis *mysteris osculi Sancti*, quæ supra declaravimus, hinc *naum & adagium: Osculum serpentinum & Mercurii Caducei* emblemata nempe: *Virga duobus*



duobus serpentibus convoluta, qui se mutuo osculantur dum ad hostes decipiendos Caduceatores blandiloqui expediuntur. 1. Reg. XX, 31. 33. 2. Reg. XVIII, 17. 35. cum tamen osc. deberet esse reciproca *charitatis Caduceator*. Luc. VII, 45. quam ob rem discessuri se osculabantur mutuo, Gen. XLV, 15. Act. XX, 37. ut quasi ex præterita olim amica consuetudine, *absenti* in memoria renovaretur 2. Pet. I, 15. 1. Pet. V, 14. *familiaritas*.

§. IX.

Discipuli sunt & *Alumni* hujus *Juda* Pr. qui *impuro* ore Christum in *Eucharistia*, præterlambunt, *crucis* (ut fingunt,) *signa*, in *auro*, *argento*, *hostia* farinacea, *chartis*, *lapidibus*, *linctis*, *armis* impressa, cultu idololatriæ deosculantur, & Salvatorem suum cæteraquin produunt & auro vendunt, cum *Juda* mercatore *Simoniaco*. Act. VIII, 18-23. qui Christum, *pretiosum* istum *lapidem* *Salutis* angularem 1. Pet. II, 6. emunt *auro*, non ut eum possideant, ut *peculium* *Jocale* excellens, & ut in eo delectentur; Ps. XVI, 5. 6. LXXIII, 25. 27. Matt. XIII, 44. 46. sed ut *vendant* aliis ad lucrandum mundum. 1. Tim. VI, 5. 20. hinc legitur inter *negotiationum* *Babelis* *merces* mysticas etiam *animas* hominum numerari. Apoc. XVIII, 13. Matth. XXIII, 15. 16. hoc respectu arguit Ap. 1. Tim. VI, 5. 6. 20. *Pseudo-Doctores*, quod putarent *pietatem* *questum* esse, ut apud eos omnia *mysteria* Christianæ doctrinæ nulli usui fervirent, quam ut *lucrarentur* exinde *famam*, *opes*, *agros*, *possessiones* viduarum vel demortuorum



rum cum *Gebazi*, 2. Tim. III, 6. 2. Reg. IV, 26. Matth. XXIII, 14. ut *pietas* illis sit magnum *lucrum*, non auditoribus sed *Sacrificulis* Baalis missificantibus prout satyrice dixit. P. *omnia venalia Romæ, Tempia, Sacerdotes, cælum est venale Deusque*: notat Hist. Innocentium XI. beatius putasse dare Christum, quam accipere, blasphemans, verba Christi D. Act XX, 35. nempe impertiit ille *Osculum*, ut vocant *Apostolicum*, Imperatori *Leopoldi*, velut *Subsidium* ad bellum *Turcicum*, an. 1684. cui nummo, ex una parte impressa erant: *Beatius est venundare quam accipere*, ex inverfa parte autem: *Innocentius. XI. & ejus arma*. Quam miseranda fors Imperatoris! qui non sensit se pro *mendicabulo* haberi, ab *Sannulo Piscatoris*, & *Majestatem* suam sugillari, a *pennis furtivis* Tarpejæ istius *Cornicule*. Apoc. XIII, 17. XVIII, 11. adeoque ex his actibus *Paparum*, liquet Papam R. non *Petri* sed *Jude* successorem esse, dum pedes suos religiose *deosculandos* ipsis Regibus pro auro obrudit: in *Vaticano* R. pictura, *Carolus V.* Imp. Pedes Pauli P. osculantem cum hoc *Lemmate* exhibet: *Ille triumphavit, sed Tu plus Paule triumphas Victor, namque tuis oscula fert pedibus*. Reginaldus Angliæ Rex, Papam Honorium sic salutat. an. D. 1219. *Reginald. Rex insularum Commendationem cum osculo pedum*. Vide plura exempla, in Joh. *Bodino* & *Bernardino* & *Riveto* in Jesuita vapulante & *Caluxto* in *Diff. de V. R. & Coriolo* in *Sum. Conc.*

§. X.



§. X.

Hoc respectu tanto Zelo Paulus, ad Romanos *Prophetica* Epist. quasi subolfaciens. 2. Thes. II, 3-7. apostoliam Ecclesiæ Rom. ad Fideles, scripsit Rom. XVI, 17. *obsecro autem vos fratres, ut observetis scandalorum Fabros, contra doctrinam quam vos didicistis & declinetis ab eis, nam tales non serviunt D. nostro Jesu C. sed suo ventri, & per cretologias & ευλογιας, per oscula Serpentina Jude, corda hominum minime malorum seducunt: etenim quæ doctrina magis scandalis, osculis proditoriis in Sacra C. Ecclesiam prodidit? quam quæ de missa est, ideoque hic est omnino necessaria Vigilantia, σκοπεω ait Ap. βλέπετε Phil. III, 2. & Christus D. Matth. VII, 15. προσεχετε q. d. considerate, quo tendat illa blandioquentia Jude, Salve Magister & osculum hypocriticum Inimici hujus Prov. XXVII, 6. 7. 14. Pf. XXXVI, 4. XXXV, 16. rationes speculandi addit ex fructibus cognoscetis eos, fermentum enim eorum est hypocrisis. Luc. XII, 1. Col. II, 18. q. d. nullus thesaurus tanta custodia dignus, quam Doctrina Christi. Pf. XIX, 11. CXIX, 72. 2. Cor. IV, 7. Matth. XIII, 44 qui thesaurum custodit, inconniventibus eum observat oculis, ut inhiantes submoveat: thesauri hujus custodiam. I. urget & dignitas & necessitas hujus doctrinæ c. Job. XXIII, 12. Jer. XV, 16. 1. Tim. I, 14. II. Pseudo Doctorem dolus & astutia. 2. Cor. II, 17. IV, 2. Phil. III, 2. XVIII, 19. Jud. IV. III. incuriosorum ad deceptionem & seductionem proclivitas. 2. Pet. II, 18. 19. Rom. XVI, 18. IV. quia non veniunt in suis coloribus, sed pictifucati-*



fucatique ex Gynæceo, Jeshabelis. 2. Reg. IX, 30. *illius mystica.* Apoc. II, 20. 2. Corinth. XI, 13. 14. 15. *Lupi illi vestibus ovium sunt recti.* Matth. VII, 15. *loco auri æs politum.* Esa. I, 22. Prov. XXVI, 23. & pro *Margaritis*, crystallum supponunt, adeoque auditoribus hic accuratissime speculandum est, ne decipiantur. Jud. XIV, 15. XVI, 6. 1. Reg. XIV, 2. 6. Col. II, 18. præprimis vigilare jubet Ap. respectu *doctorum*, dum ipsi *custodes thesauri* Christi, facti sunt *fures*, qui creditum *thesaurum* ipsi tollunt & cum *furibus* partiuntur. Act. XX, 30. 1. Joh. IV, 1. Matth. XXIV, 11. Ezech. XIII, 3-19. Prov. I, 10-14. in domo *Patrisfamilias* sunt *æconomi*, qui singulis *demensum* exhibent, sed hic cuique observandum est, an id genuine faciant, nec ne, si *farine* admisceant *furfures*, si *fel*, si *absynthium*, invigilandum cuique, quid sit commesturus. Jer. XXIII, 16. XXVI, 28. Prov. XXIII, 1. 2. 3.

§. XI.

Papani persuadere volunt, sufficere *alienam fidem* ad salutem, ut credatur quod *Ecclesia* credit, nempe *Doctores*, sed potest ne quis satiari & vivere de *cibo*, quem *vicinus* comedit, id ne *Esau* quidem crederet etiam *Jacobo*, dicenti. Gen. XXV, 29. 34. *Parasiti* quidem illi Pr. *Juda* solent suas *animas* oppignorare pro aliis a se seductis, quod ego ipse expertus sum *Cassovia.* an. 1724. in carcere constrictus accedebant sæpe *Jesuitæ*, *corvi* illi animæ meæ inhiantes, & *Tentatoris* illius Matth. IV, 3. *Commissarii*, aliquando simul *tres* urgebant me,

me, ut si accederem Ecclesie *Papanae*, illico me ex carcere secum educerent, & tres illi suas animas oppignorando cautionem praestiterunt, quod ipsi pro me a Deo condemnarentur, si Eccl. *Papana idololatrica esset*: Et si ideo perderem animam meam, quod Papanus factus sim, modo *oscularer hostiam* missae consecratam, quam secum habebant, tali *Jesuitarum* paratragædia, fallacius *osculum* in mundo dari non credo. Serpens dixit Evæ: non moriemini, sed Deus novit, quo die comederitis, aperientur oculi vestri & eritis sicut Elobim. Gen. III, 4. 5. ast animæ Evæ quid profuit, cum diceret eorum *tribunali Dei*, v. 13. *Serpens ille me decepit*; imo specialis præ Viro *maledictionis* rea facta, v. 16. quod *anathema* in-tonat Deus & talibus Jesuitis, osculo *Juda* fallentibus. Jer. XIV, 13. 14. 15. Zach. XI, 17.

§. XII.

Atque ita, dum *Papanis* suis, *Jesuita* in *hostia* vitam promittunt, pro *vita*, (ut *Eva*) *mortem* utriusque temporalis & æternæ, *osculum* amplectuntur, quod ex variis exemplis tragicis apparuit. Refert *Job. Bodin.* in *Methodo Regem Hispanie*, avidum cognoscendi suæ exitus vitæ, *Jacobi* am *Monachum* accersivisse, qui *consecratam hostiam*. M. a Rege *oscularam*, facto *primogenitum* quendam *decennem* ad hoc *comparatum truncari* jussit, capite eo *hostie* imposito, roganti, quid vellet, caput respondisse: *Vim patior*, quo audito illico Regem furibundum indefinenter clamitasse, *tollite caput istud*,
& in



& in rugitu expirasse. *Lambert. Schaff. Mon. Herff. Hist. an. 1054. Romæ Diaconus* quidam inter sacra M. hostiæ *venenum* miscuerat, quem cum *Gotfrido Lotbaring. Duci* porrigere vellet, manum admoveere non potuit. *Casarius Mon. L. VIII. Dial. Sacerdos* quidam in *Gallia* nocte festi Nat. Ch. cum ante cum scorto concubisset, *missam* celebrat, dum verba: *hoc est corpus meum*, pronunciat, *corvus* advolavit, calice epoto, *hostiam arripiens* avolavit, *crociatans*: Væ tibi scortator, quis *corvus* ille fuit, docetur. *Matth. XIII, 4. 19. Prov. XXX, 17.* Plura tragica exempla osculi *hostiæ* M. vide in L. conform. *Bartholomæi de Pisis & Mattheum Lodecum. Genebrard. in Chron. Imp. & Pap. tradit, Benedictus XIII. Antip. ante se* ubique *hostiam cum osculo gesturi fecisse*, in sui custodiam. & *Fulgosus Hist. L. 9. c. II. dicit: Petrum Sermonetanum Minoritam, asini ori hostiam consecratam osculandum* inseruisse, qua *dæmones in magicis veneficiis* faventiores haberet, ut sic hi implerent prædictionem illam *C. D. Matth. VII, 22. 23. conf. & Casalium. Libro de vet. sacris Ch. ritibus.*

§. XIII.

Videtur hæc doctrina de efficacia *missæ* Hostiæ, quod in S. cœna, physice & corporaliter Christi corpus & sanguis transubstantietur, primum a *Tentatore S. inventa* & in *Ecclesiam* insinuata, a *principio Ecclesie* tunc statim. *Gen. III. cum serpens dixit v. 4. 5. imo non moriemini, sed novit Deus, (en osculum serpentinum*

num Evæ impressum!) ut quo die comederitis ex arbore ista, oculi vestri aperientur, & eritis sicut Dii, nempe quasi physica corporalis commestio fructus arboris s. b. m. physice illos transmutaret in Deos immortales, omnificios: ita, ut ex arbore vitæ, a Deo denominato, quasi per *symmetriam*. Gen. II, 9. & arbor scil. physice vitam & Divinitatem infunderet, atque hoc *equivocationis* mendacio, arte Jesuiticâ, Johann. VIII, 44. seduxit, ut pro vita, mortem amplecteretur, Deus omnino, *Protoplastis*, de arbore scil. *meditandum*, non comedendum jusserat & tum comedendum de arbore vitæ promiserat victori, Apoc. II, 7. Prov. III, 18. XI, 30. XV, 4. unde Patres dixere: crede, & tum manducasti corpus Christi: I. Cor. XI, 20. 29. credenti enim omnia sunt possibilia. Marc. IX, 23. Phil. III, 9. 10.

§. XIV.

Talia osculo Judæ serpentino, contrarium jubet Ap. *osculum Sanctum*, quo se invicem salutare debeant, Rom. XVI, 16. mandatum hoc sapius repetitum, ἀσπασαδιε salutate, notat, tum *testimonium amoris* in alium, tum *votum nostrum varie nostræ benedictionis* pro fratre, ut supra memorati. Isaac, Jacob. Joseph. Fetbro, Moses, *Israélite* ad Davidem, I. Chron. XII, 18. & *Angelus Jehovæ* ad Gedeonem, Jud. VI, 12. & B. *Virginem Mariam*, Luc. I, 28. Maria ad *Elisabetham*, v. 40. 41. fecerunt, id Christus D.

C

man-



mandavit *Discipulis*, uti olim *David* suis *Ministris*, 1. Sam. XXV, 5. 6. ut in quam domum intrarent eam salutent, Matth. X, 12. prout ipsemet Ch. D. ad *Apostolos* ingressus post *resurrectionem* eos salutavit, Joh. XX, 19. 22. exindeque *Apostoli* mandato Christi D. innixi, *Epistolas* suas, a *Salutationibus* inceperunt, & *Salutationibus* vicissim *concluserunt*, ut liquet inspicienti serio eorum *Epistolas*, quem morem, cur non sequantur *Christiani*, in suis Ep. ad amicos scriptis, ego semper admiratus sum, si quidem *Primitivi Christiani*, hoc votum *salutandi* etiam extra *Epistolarum* morem, in quovis *occurso* & *digressu* *reciprocant* *signis* & *verbis*.

§. XV.

Proinde *mandatum* *Apostoli*, de *Osculo S.* decet, quod *Christianismus* non tollit *civilitatem*, ut *humanitatis* debeant *oblivisci*, homo *creatura socialis*, eo sine *sermone* est *instructus*, quo animos *conciliare* queat, Pf. XLV, 1. Prov. V, 3. & *sincerus* *amicus* *conjugi*, & id in quovis *occurso* est *contestandum*; *equidem* *natura corrupta* *solitudinem* *quærit*, Gen. III, 7. 8. 10. Matth. VIII, 28. Marc. V, 2. 5. & *occurso* *eius* est in *perniciem*, Gen. XVI, 12. *cujus* *manus* *contra omnes*; sed *gratia* *feritatem* *naturæ* *corrigit*, ut *mansueti* *quærant* *socialem conjunctionem*, & *salutatione* *amorem* *mutuum* *profiteantur*: *Christianos* *itaque* *hoc mandatum* *Osculi S.* & *decet* & *obligat* *ad salutationem*,

tionem, qua suam propensionem indicent & adaugeant, proinde *salutatio* debet esse *cordialis*, non verbalis tantum, Rom. III, 14. sed in *veritate amoris*, 1. Joh. III, 18. Psal. XVII, 1. 4. *Jomadab*, 2. Reg. X, 15. occurrens *Jebu* salutabat eum, at *Jebu* reponit, *an cor tuum rectum est, uti meum tecum est*, quod ille affirmat, & *dextra manu oblata*, mutuum id fuit confirmatum. Sed proh dolor, proh pudor! quid ustitatus hodie, quam *salutationibus mentiri*. Psalm. XLI, 7. XVIII, 45. Act. VIII, 19. XXII, 23. Multorum verba *molliora sunt oleo*, sed nudi sunt *enses* demum. Psal. LII, 2-5. LV, 22. Salutationes tales sunt *serpentis mordentis*, Gen. III, 2. 3. 4. ut *Joabi*, qui osculatus *Abnerum & Amasam*, confodit a tergo *gladio*. 2. Sam. III. & XX. Ast Apostoli mandant *osculum s. fidelibus*, ut *filiis & heredibus benedictionis*, 1. Pet. III, 9, eoque prolixi esse debent in salutando *benedicere aliis*, etiam illis, qui nobis maledicunt. Matth. V, 44. Psal. CXXI, 3. 4. 6. 7.

§. XVI.

Peccant ergo hic *sectarii* illi, qui ut *Christiani* majorem *tefferam* politeri se fingant, a *salutationibus* abstinent, quasi *alieno more* a Christianismo, dum *Christus* D. iis usus fuit, garriunt quidem illi *prædicine*, quod Ch. D. dum emitteret *Apostolos* ad prædicandum *Evangelium* jussit, Luc. X, 4. *neminem in via salutate*, verum hoc pacto non omnem



salutationem vetuit, siquidem illico, v. 5. subjecit
mandatum, *dicite, pax huic Domui*, quæ *pbrasis* om-
nino salutandi *ressera* erat, Matth. X, 12. 1. Chron.
XII, 18. illud ergo Ch. D. *interdictum*, proverbialiter
tantum prohibuit, *cunctationem* in prædicando Evang.
ipsis delegato, collineavitque ad *cautionem* eam,
quam *Eliseus* Gehazio præfixit, 2. Reg. IV, 29. vide
locum sensumque *præcepti* illius diserte declaravit,
Luc. IX, 61. 63. & *Paulus* Ap. illustravit *exemplo* suo,
Gal. I, 16. & S. *Johannes*, 2. Ep. v. 10. *arcanum* il-
lius mandati detexit, *si quis ait venit ad vos, &*
hanc doctrinam non adfert, ne recipite eum in domum
vestram, nec dicite ei salve, q. d. cum *heretico Doctore*
nullum commercium colendum, quia talis non habet,
non adducit *Deum & Christum*, cum quo fidelium
communio per *doctrinam* adcuratur, 1. Joh. I, 3. tales
etenim *seductionem*, non *salutem* moluntur, & quis
velit, *leprosum, peste infectum*. Act. XXIV, 5. *λοιμω*
admittere, ubi tamen non nisi *corporis damnum* me-
tuendum; ergo potius cavendum ab iis, qui *anime*
nostræ perniciem moluntur. 1. Thes. V, 21. Psalm.
CXXXIX, 21. 22. Deut. XIII, 6. 8. 13. 17.

§. XVII.

Qui vero *osculo Sancto* osculandi sint mutuo de-
signavit Ap. Rom. XVI, 3. 16. quos dicit omnes *San-*
ctos & Fratres, quo innuit, *Christiane fraternitatis*
locum non esse, nisi inter *Sanctos & Fratres*, Act.
XIII,



XIII, 26. XXII, 1. XXIII, 6. XXVIII, 27. XV, 23. inter quos, quia sunt fratres, *Philadelphia* vigere debet, Heb. XIII, 1. Rom. XII, 10. 1. Pet. I, 12. 2. Pet. I, 7. nam quousque extenditur *Sanctitas*, eousque etiam *fraternitas*, hinc merito notandum, cur, cum Apostolus, Rom. XVI, tam multos, *Romanos* salutat, neminem illorum a *politici* muneris dignitate commendat, nullus ibi titulus *Consulis* aut *Equitis*, inclyat *familia*, vel *Domus Augusta*; ut valeat hic illud, *Regnum Ch. non est de hoc mundo*: Johann. XVIII, 36. 1. Cor. I, 26. eo respectu, *Osculum S.* ab Apostolis mandatum deinde accepit *tesseram* nominis *Osculi Religiosi* & Christiani, unde usurpatum fuit in *Ecclesia* ante & post *communionem* sacrae C. ex qua *etatis* illius *osculi* consuetudine, patet *solutio* quaesiti: *An ille ritus hodie etiam sit observandus?* R. sequendus hic *mos* *cujusque* *temporis* & *gentis*; nempe, tunc, cum adhuc *Ecclesiae Judaicae* magno numero essent, consuetudo ea sancte fuit etiam inter *gentes* observata. Sed nulla *obligationis* necessitas hinc apud *Eccl. Christianas* nascitur, 1. Cor. XI, 4. 6. *prophetare* aut *precari* viros *capite recto* prohibet Ap. cum tamen apud *Judeos* non aliter fieret, nec liceret. Jos. V, 14. 15. Num. XVI, 22. Jud. VI, 22. vide *Orationem* B. I. Alt de *mitra sacerdotis summi*: ratio, quia illud apud *Gracos* fuit *signum* *prophanitatis* & *contemptus cultus divini*, adeoque *scandalo* fuisset *Gracis* capite recto in *Templis* comparere, proinde monet Ap. ut in *propheta*



concionis & precum liturgiis gentile decus observarent
 aperti capitis in Templis.

§. XVIII.

Eundem morem *Pbrygas* tenuisse tradit *Virgilius* *Aeneid.* 3. in sacris obeundis. *Purpureo velane comas adopertus amictu*: apud Romanos *Flamines*, quasi *Pileamines* dicti, a pileis capitem tegumentis, ita *Trapezita* *Plautinus* *Aesculapium* aperto capite salutat: ita *L. Vitellius* ex *Syria* redux *verniliter* honores *Cajo C.* delaturus capite velato coram eo procubuit, attamen *Saturno* sacrificantes Romanos, & *Herculi*, capite aperto, *Plutarchus* & *Macrobius* autor est, quis vero decentior habitus sit, mussitant *Doctores* *Eccl.* & enim *Ap. Gentium Doctor* pro *Græcis* contra *Romanos*, & quos isti sunt secuti, pronunciasse videtur. *i. Cor.* XI, 4. 5. *omnis* ait *vir orans aut concionans prophetiam* aperto capite *dedecorat caput suum*, *mulier vero in simile dedecus incidit, si non tegat caput suum*, verum hic *Ap.* communem legem non fert, ideoque hæc regulamenta inter *adiaphora* numeranda; semper & ubique observanda tamen *institutio* *Apostoli.* *Phil.* II, 12. *eum timore & tremore perficit salutem vestram.* *Heb.* XII, 28. 29. *Quis enim non vereatur Deum convenire præcipitanter, cujus Laudes ipsi Angeli, nonnisi velatis faciebus canunt, Esa.* VI, 2. *Jer.* X, 7. & *Apoc.* IV, 10. *illi coronati Presbyteri, capita etiam coronata detegunt:* & ad cujus præsentiam, uni-
 versæ



versæ ambitus terræ contremiscunt. Jerem. V, 22. Psal. CIV, 9. Esa. XL, 12-18. Quis coram ipso cum timore versari & in quolibet *angulo domus suæ reverentiam* ipsi exhibere: per omnem vitam non discat. Gen. VII, 1.

§. XIX.

Prout itaque de illo *præcepto*, 1. Cor. XI, 4. 10. cogitandum est, ita de *mandato osculi* judicandum, postquam in *abusum* vel *versum*, vel eo spectare videretur, abrogatum tandem est, quo facit *regula*. Phil. IV, 8. 1. Cor. XIV, 40. conf. Dissert. Rob. Sbarroc. de habitu C. p. 257. sic de idololatria *imaginum* censendum, quod primitus *imagines* inventi bono proposito, sed demum in *idololatriam* declinato, Ecclesia condemnavit: nempe, præcidi Ap. voluit omnes *occasione* male cogitandi & loquendi, quæ in tanta Ecclesiæ frequentia, caveri non possent. Hujus Osculi S. *Primitivæ* Eccl. aliquod *vestigium* superest hodie in Eccl. quibusdam *Wallachicis* & *Russicis*, qui festo Pasch. basiant obvios & osculo subnectunt *tesseram: Christus D. resurrexit*, reciprocam ab utrisque.

§. XX.

Cum vero præscribit Ap. *salutate vos O. S.* & addit, *salutant vos Ecclesie Christi*, intimat, quod non solum mutui amoris Osculi S. debent *Romani Christiani*, erga *presentes*, sed etiam pro *aliis* Eccl. Ch. *remotis*



remotis id praticare, nempe Ecclesias orientales in *Græcia, Asia, Africa, Europa*, ubi aliquid Christi est, jubet hos æque adamare, & pro ipsis omnem prosperitatem, osculi S. *Symbolo* indigitatam apud Deum precari. Eph. VI, 19. Col. IV, 32. Thes. III, 1. 2. Act. XII, 5. & si quo licet favore testari debere, ubicunque *fraternitas* aliqua *Familie* Christi. Eph. III, 13. 14. ibi idem *cor & anima* sit, ut mutuam felicitatem procureremus. 2. Cor. VIII, 1. 4. 7. 14. 24. Rom. XVI, 24. deque ea latemur *osculo* s. *cordis*. Cant. VIII, 8. *soror nobis est parva, cui nondum sunt ubera, quid faciemus sorori nostre, quo die de ea sermo fit, concilium sollicitum erit, si fuerit murus fractus.* Ezech. XXII, 30. Ps. LX, 4. *inedificabimus Palatium argenteum, si ostium, cingemus asseribus cedrinis.* Hoc osculum S. mutui amoris *missile*, hac ætate amplissime præstant, imprimis Ref. Ecclesiæ *Anglica, Belgica, Brand. Marchica, Prussica*, erga sorores *Reformatas* Eccl. sub *cruce* gementes, *Hungaricas, Polonicas.* Tessera hujus O. S. erga sorores benigni, *facem* certo præterdit hodie Regia *Domus Brandeburgico-Prussica*, in transplantatione, Eccl. *Gallicarum Coloniarum, Saltzburgerisium, Bohemiarumque*, ut de ea exclamare liceat illud *יוֹסֵף* Matth. XXV, 20. 21. & illud *Ecce*, *וְהִנֵּה* Cant. IV, 1-14. vide totum Cap. Sed quoniam *Oscula* S. nostra, ita demum efficacia erunt, si rogemus Dominum nostrum I. Ch. ut & *Augustam Domum* B. P. & nostram *Academiam* osculetur *osculo oris sui.* Cant. I, 1. Ps. LXVII, 1. 4. CXV, 12-15. CXXXII, 8. 9. 10. 17. 18. ut *obsi-*
gnet



gnet amorem suum in nobis, ut securi ejus, possimus expectare cum fiducia diem *Universalis congregationis* Eccl. dum fideles cum Christo & inter se mutuum *Osculum amoris aeterni* palam contestantur, eoque læti fruuntur in æternum. Psalm.

CXXII, 1. 5. Rom. VIII, 23. 1. Thef. IV, 16. 18.

Apoc. II, 1. 2. 3. 4.

Amen.



COROLLARIA.

- I. *Sicut bona intentio, quodcunque opus, bonum non facit, neque liberat a reatu hominem: ita το ενστικτον, sciens & volens aliquid agere, non facit ad naturam peccati.*
- II. *Imagines S. S. Trinitatis, B. V. Mariæ, aliorumque Sanctorum, eorumque reliquiarum, vel signum crucis in Templis collocare, easque cultu religioso adorare, splendida est idololatria. Exod. XX, 4.*
- III. *In verbis in jurejurando, amphibologia, æquivocatione ad decipiendum proximum*

D
uti,



*uti, non Christiana, sed Diabolicae cautio-
nis ars est.*

- IV. *Eadem ratione in conversatione Civili vel
Ecclesiastica, mendacio officioso & jocosio rem
procurare, Satanica est prudentia. Ps. V, 7.
Prov. XII, 21. Col. III, 9.*
- V. *Legitimis Ecclesiæ veræ Ministris Potestas
Spiritualis, notorios peccatores, & contu-
maces excommunicandi, tam jure divino,
quam humano competit. Rom. XVI, 17.
2. Thes. III, 14. 15.*



00 A 6314

5b.

17

Bl. 141





n. 28 24.

נשיקות דודי ושנא
AMORIS ET ODII OSCULA

Cant. I, 2. VI, 3. Prov. XXVII, 6.

DISSERTATIONE
DE

OSCULO SANCTO

Rom. XVI, 17.

EIQUE OPPOSITO

OSCULO JUDÆ

Luc. XXII, 48.

Eorumque MYSTERIIS, juxta Sacras S. illustrata
Christo Domino, Amoris, Gratia et Ira æterna

Prov. VIII, 21. XXI, 20. Matth. V, 19. Deut. XXXII, 34.

Jer. L, 25. Rom. II, 5. 16.

ARCHITHESAURARIO Propitio

Quam sub PRÆSIDIO

PAULI. GYÖNGYÖSSI. A PETTYEN,

Illust. Eccl. Angl. Presbyteri S. S. Th. D. et Pr. P. O.

h. t. Venerab. Fac. Theol. Decani,

DEFENDENS

WILHELM. GUSTAV. NUGLISCH,

Paleo-Marchicus, S. S. Th. C.

In Monumentum Pietatis. Pf. XII, 6. 9. Prov. X, 7.

Stipendii Werlieniani

In Templo Academ. die XI. Septemb.

Anni MDCCXXXVIII. Hora X-XI. publicavit.

RECUSA MDCCXLI.

(4)